

SENBECIO facillimum erat, per septennium abstinuisse coena, donec instantibus ultimis, hic Vitembergae, more Lutherano, illa adhuc frueretur, ac ratione futuri, P. LYSERO optima quaevis promitteret. B. MAYERVS, in *Antithes. Theol. Orthodox. p. 40.* S. REV. LOESCHERI *Hist. motuum L. I. p. 15.* TENZEL. *Biblioth. curios. repos. III. p. 649.*

II.

Dantur vix hodie quaedam insigniora loca, ubi, si vel subsedisse paulisper visum sit, quod afflixit Ecclesiam, malum, non reperiantur, qui plures per annos coena minime utantur, mediisque gratiae (quod nobis dixere in faciem) plane non opus sese habere amplius, gloriantur. Ioviales quasi istae sunt animae, de Iove namque apud PLAVTVM legimus: *It incoenatus cubitum. Pseudol. Act. III. Sc. II. vers. 57. p. 1001.* Secus, quam Daphnus, Medicus, de coena sentire solebat, quod scilicet noctu coenare, quam interdiu, sit conducibilius, quia luna sit *σηπτικὴ*, quare et parcius quondam prandebant, liberalius vero multo coenabant. Confer. CASAVBONI *Animadvers. in Athen. libr. VII. c. I. p. 298. seq. L. XI. c. VIII. p. 504.* Mire se praeparant homines alias feri, praerupta et silvas habitantes, cum in India, Missionariorum ope, ad Mysteria accedunt. Nudi alias incedentes, integumenta tamen sumunt, si ad sacram accedunt synaxin: Ex ANTONIO ZVCELLI, *Bücheraal P. XXIX p. 267.* Ast nostri minorem multo exhibent reverentiam. Novae quasi coenandi rationi imminent, quam illi saltim seculo optimus Servator reservavit: *Non bibiturus sum a nunc ex hoc genimine vitis* (non obstante apparente illa post resurrectionem comestione et bibitione, *Act. X. 41. cum Luc. XXIV. 42. 43. Tob. XII. 19.) usque ad diem illam, quando* (sublata terra, cibi potusque

*Amolitio cul-
pae misere
pereuntium,
sub auspicio
inprimis no-
vi muneris.*